



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Decretum Innoc. XII. de Regul. ejectis.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Item per eadem Indulta licentiam non tribui promovendi quempiam ad Patri-monii titulum, nisi ad normam Concilii Tridentini sess. 21. cap. 2. Eos vero omnes, qui ab Apostolica Sede facultates obtinenter conferendi Ordines extra tempora, vel alius respectivè tribuendi licentiam, ut conferant, maximè ca vere debere, ne præscriptos sibi in iisdem facultatibus limites, cuiusvis con-suetudinis, aut exempli prætextu transgrederiantur.

Hæc autem omnia, & singula suprascripta Decreta, audita ex me integra eorum relatione, Sanctiss. D.N. laudavit, & approbat, ac tam in Dataria, & Secretaria Brevium, quam à ceteris omnibus Ministris, & Officialibus Curiae, ad quos pertinet, perpetuo, & inviolabiliter servari mandavit, sublata omnibus quacumque facultate prædicta Indulta aliter, quam ad formam eorumdem Decretorum in posterum expediendi.

Hac die 14. Decembris 1693.

Carolus Augustinus Fabronius Secret.

Ad Decretum de Ejectis, & Ejiciendis Congreg. Deputatæ ab Innoc. XII.

S U M M A R I U M .

1. Regulares recurrentes recto trame ad Urbem à gravaminibus Superiorum sine eorum licentia non incurunt pœnas Apostatis: Si autem levii ex causa, & temerè hoc facerent, ad Superiorum remittuntur puniendi.
2. Regulares, qui Monasteria relinquunt prætextu dicendi de nullitate professionis, non audiuntur nisi redeant ad Claustra.
3. Fallit regula in verè Apostatis, quibus ut redeant ad bonam frugem conceditur gratia transeundi ad aliam Religionem.

4. Religiosi professi non possunt à Religioni ejici sub prætextu, quod laborent morbo incurabili, reticito tempore professionis, nisi adhuc statutum speciale à Papa confirmatum.
5. Statutum hujusmodi non suffragatur, si morbus incurabilis superveniat post professionem.
6. Presbyteri sæculares Congregationis Doctrinae Christianæ Urbis post votum emissum perseverantia non possunt Congregationem relinquere absque dispensatione Apostolica.
7. Presbyteri sæculares Congregationis Oratorii, non possunt ab Episcopo à Congregatione extrahiri, neque ab observatione instituti removerti, & exturbari.
8. Perpetuo oblati non possunt à Religione recedere, & n. 9.

Instantibus Procuratoribus Generalibus Religiosorum Ordinum pro moderatione Decretorum de Apostatis, & Ejectis editorum à Sac. Congreg. Concilii, & à san. mem. Urbano Papa VIII. anno 1624. confirmatorum, ut facilior modus incorrigibiles ejiciendi præscribatur, Sac. Congreg. à Sanctissimo D. N. Innoc. Papa XII. super premissis particulariter deputata, Eminensissimorum S. R. E. Cardinalium Carpinei, Casanate, Mariscotti, de Norfolk, de Laurea, de Aguirre, & Colloredi, perensis eorumdem Procuratorum Generalium votis, ne consortio morbidarum pecudum cœteræ corrumpan-tur, & remedia hucusque ad sanitatem oblate male affectis officiant magis, quam profine, maturo examine, zelo Regularis disciplinæ conservandæ, censuit, statuit, & auctoritate ejusdem Sanctissimi D. N. sibi specialiter attributa, hæc in posterum servanda decrevit,

1. Quod

1. Quod firmis, ac in suo labore semper manentibus prædictis Decretis de Apostatis, etiam secundum eam partem ubi agitur de Ejectis, & Ejiciendis, tamquam Sac. Canonibus, & communiori SS. Patrum menti conformibus, quoad Ejectos eadem serventur, que in alio simili Decreto hac præsenti die emanato de Apostatis, & fugitivis statuta sunt, & Indulta; quodque ad præscriptam legem sa. me. Greg. IX. in cap. fin. de Regul. annuatim fugitivi requirantur, & respectivè cogantur ad Claustra reverti.
2. Quod annus integer, qui in prædictis Decretis anni 1624. præscribitur in pœnitentia, & jejunio ad ejiciendos incorrigibiles, ad sex tantum menses continuos in posterum coarctetur, & restringatur.
3. Quod facultas Generalibus Ordinum de consilio, & assensu sex ex gravioribus Religiosis in singulis Capitulis, & Congregationibus Generalibus ad Casas Ejiciendorum eligendis, attributa, extendatur etiam ad quoscunque Provinciales, qui electis pariter in Congregationibus Provincialibus sex gravibus ex propria Provincia Religiosis à Generali confirmandis, de illorum consilio, & assensu, causas hujusmodi cognoscant, & ad effectum ejiciendi incorrigibles suæ Provinciæ, & dictiōnem pronunciandi, accedente approbatione Generalis, disfiniant, salva semper Sanctæ Sedis, & Sac. Congregat. Concilii, in casu recursus, & appellationis auctoritate.
4. Quod in posterum Processus conficiantur juxta regulas, Constitutiones, Ordinationes, & stylum cuiusque Ordinis, & Religionis, donec fuerit à Sacr. Congreg. provisum.
5. At quia nimia sine delectu facilitas recipiendi quoscunque Religionis ingressum petentes, & à Religione forsitan alienos, duram satis tractu temporis necessitatem parit eosdem è Claustris ejiciendi, ne hujusmodi semina, quæ à principio ad fructum faciendum cadunt in terram bonam, paulatim contaminata inordinatis moribus usque ad incorrigibilitatem succrescant in paleas, eadem Sac. Congregatio, annuente Sanctiss. D.N. sub interminatione Divini judicij, nec non privationis vocis activæ, & passivæ, ac Dignitatum, & officiorum obtentorum, cum inhabilitate ad eadem in posterum obtainenda, quibuscumque prædictorum Ordinum Superioribus districte præcipit, & mandat, omnia, & singula Decreta san. mem. Clem. VIII. registrata post Decretum san. mem. Urbani VIII. de Apostatis, & ejectis incipiēt. Regularis, Sanctissimus, & Nullus, unā cum aliis subsequentibus Decretis, provisionibus, ordinationibus, & respectivè moderationibus, bis in anno legi, eadem ad unguem servari, poenas in eisdem contentas innovari, & Capitibus Ordinum intimari, ne hujusmodi Decretorum transgressores, qui in lege gloriantur, per prævaricationem legis Deum inhonorent, & ne militiae Christi adscripti tam de facili fiant desertores, ac profugi.

Datum Romæ die 24. Julii 1694.

G. Card. Mariscottus Propræfetus.

Loco ✠ Sigilli.

R. Pallavicinus Sac. Congr. Conc. Secr.

(Et sequitur publicatio dicti Decreti.)

A D.

ADNOTATIONES.

D E A P O S T A T I S. Regulares recurrentes recto tramite ad Urbem à gravaminibus suorum Superiorum, non incurrit pœnas Apostasie, ex quo discesserint sine eorum Superiorum obdientia, dummodo non vagent, & se præsentent R. P. D. Secretario Sac. Congregationis, nec ideo molestandi sunt, ut advertit Nicol. *Iucubr. can. lib. 3. tit. 31. de Regular. post n. 43.* ubi plura Sac. Congregat. Decreta refert, & nuper decimum fuit ab eadem Sac. Congreg. in Valentina Lectoratus 6. & 27. Junii 1698. referente clar. mem. Card. Petruccio. Si tamen temere, levique ex causa Urbem penterent, seu Curiam absque sui Superioris licentia, ad eundem Superiorum remittendi essent plectendi, juxta Decretum Sacr. Congreg. Episcop. & Regular. per extensum relatum à Fagnan. *in cap. de Priorum num. 38. de appellat.*

2. Hi autem Regulares, qui è Claustris egrediuntur, & Monasteria relinquunt (retento, vel dimisso habitu) prætextu nullitatis professionis, non audiuntur (quamvis ad Urbem accedant) super eadem prætensa nullitate ex quacunque causa, nisi prius redeant ad Claustra, juxta dispositionem Concilii Trident. *Jeff. 25. cap. 19. de Regular.* ut sœpè sœpius respondit Sac. Congr. Concilii, & recenter *in Bononiensi. 4. Junii 1689. Claramonten. 29. Novemb. 1692. & in Giennen. 9. Aprilis 1701.* etiamsi egressi vellent transire ad aliam Religionem, ut declaravit Sacr. Congr. *Episcopor. in Provincia Beticæ. 30. Aprilis 1700.* & plenè tradit Don. *præx. rer. Regular. tom. 2. tr. 12. quest. 11.* immo & si tanquam incorrigibiles servata forma Const. Apostolicarum fuissent ejecti, Sac. Congr. *Concilii in Papien. 15. Martii 1692.*

3. Fallit tamen non semel hæc regula in Regularibus verè Apostatis, & diu extra Claustra dimisso habitu more sæcularium in terris Hæreticorum vagabundis: quibus ut ad Religionem, & in finum piæ Matris Ecclesiæ (ut sœpè cupiunt) redire allicantur, solet Sac. Pœnitentiaria Urbis (cui ad hunc effectum preces porrigun-

tur) facto verbo cum Santissimo rescripto indulgere, ut invento benevolo Receptore (si ad propriam remeare formident) ad quancunque aliam Religionem, & aliquando (at raro) etiam non Claustralem transire valeant, ut bis, terque obtentum vidi, ad terminos indulti generalis Innoc. XII. de anno 1694. emanati.

4. Item Religiosi professi non possunt ejici à Religione prætextu, quodante illorum receptionem occulte laborarent morbo gallico, lepra, vel alia huent contagiosa, quam tacuerint: quia de jure communis nulla est ægritudo etiam morbifera, quæ annihilet professionem, & probat Donat. *de Regular. tom. 4. par. 1. trah. 3. de qualit. recipiend. quest. 25. num. 6. seqq.* & quod proinde horum ejectiones sint nullæ, declaravit nuper Sac. Congr. *Comiti in Siracusana Ejectionis 1. Septembr. & in Cameracen. Ejectionis 22. Decembr. 1691.* Nisi tamen adesset speciale statutum Religionis à Papa confirmatum, quod assenserunt habere Capuccini, Passer. *de stat. hom. tom. 3. quest. 189. art. 10. insp. 4. n. 155. & trib. seq.*

5. Verum nec tale privilegium suffragaretur, si post professionem emissam unam, vel alteram ex infirmitatibus per statutum expressis, & exceptis incurrerent: quia tunc nec Religiosus ita infirmus posset è Claustris egredi, nec Religio illum dimittere, ut respondit Sacr. Congr. *Episcopor. in una Capuccinorum 5. Septembri 1692.* pro Fr. Secundo à S. Damiano, qui cum diu profugus à Religione vagasset, & declarari se non teneri ad Religionem redire, neque Religionem illum recipere (ex quo morbo gallico incurabili laboraret) petiisset, sub dicta die prodidit rescriptum: teneri redire, & Superioris teneri recipere.

6. Item Presbyteri Congregationis sæcularis Clericorum Doctrinæ Christianæ, cum simplici perseverantiae proposito in Urbe instituta, & à Paulo V. confirmatae: si votum perseverantiae (quod ad præscriptum Constitutionum est eis liberum, & arbitrarium) emiserint, non possunt amplius absque dispensatione Apostolica à dicta Congregatione egredi, neque dimitti, ut declaravit Sac.

Sac. Cong. Conc. in Romana voti perseverantia 29. Jan. 1701.

7. Item Presbyteri Congregationis Orationis S. Philippi Nerii, licet subsint ordinariae jurisdictioni Episcoporum; non posunt tamen hi, sub quovis praetextu, aut quæsto colore illorum personas à Congregatione, in quam ingressi, & admissi reperiuntur, extrahere, nec ab observatione sui instituti removere, & exturbare, prout speciali Indulto sub datum 8. Julii 1622. Gregor. XV. inhibuit his verbis — *Quocirca universis, & singulis locorum Ordinariis, ne ullam dictæ Congregationis Domum nisi juxta statutorum predicatorum formam, & tenorem, nec aliter nec alio modo visitare, minusve quovis casu pro tempore contingente, ac sub quovis pretextu, aut quæsto colore aliquam ipsius Congreg. personam è dicta Congregatione extrahere, aut ab observatione sui instituti removere audeant, seu præsumant, auditoritate, & tenore predicti interdicimus, & prohibemus.*

8. Item Oblati, qui se suaque omnia perpetuo, & irrevocabiliter obtulerint Monasterio mediante publico contractu, & juramento, ac obedientiam Monachalem promiserint, non possunt à Religione recedere absque dispensatione Apostolica, quia hujusmodi oblatio, & promissio est species professionis, Abb. in cap. quod à te num. 5. de Cleric. conjug. ibi — *Quando quid intravit Religionem, & non fecit professionem, quia fuit Oblatus, dando se, & sua plenè Monasterio, & iste amplius non revocat, est enim quasi servus Monasterii.*

Felin. in cap. in præsentia nu. 4. de probat. ibi — Oblati verò aliquando portant habitum, aliquando non, vel differentem, & possunt recedere, nisi sunt perpetuo Oblati, quo casu equiparantur aliis professis.

Innoc. in cap. consuluit, qui Cleric. vel vovent. ibi — *Nisi obedientiam Monachalem promiserint, puta quia omni suæ voluntati renunciarent, & omnia committerent voluntati Abbatis, quia tunc talis obedientia pro professione sufficeret.*

9. Nec dicatur auctoritates prædictas procedere juxta terminos, & dispositio nem juris communis antiqui: quia quoad Oblatos Concil. Trid. nihil innovavit: & cum Canonistis mox laudatis tenet modernus Donat. *prax. rer. Regular. tot. 2. tract. 13. de oblat. quæst. 21. num. 4. & 5.* ibi — *Oblati sunt viri Religiosi sicutem largè, cum se, suaque omnia perpetuo, & irrevocabiliter obtulerint Monasterio medio publico contratu, & juramento, quo fit ut hi sint magis adstricti Monasterio, quam alii per solemnem professionem, & banc sententiam secuta est Sac. Congreg. Episc. in Brixien. 31. Januarii 1698. referente clar. mem. Card. Petruccio, & hinc oritur, quod percutientes, vulnerantes, vel occidentes eosdem Oblatos incurvant in excommunicationem contentam in cap. si quis suadente 29. 17. qu. 4. dummodo habitum gerent, Sacr. Congreg. Conc. in Anglonen. 8. Julii 1690.*

Innocentii XII. Constitut.

X L I V.

Qua plura declarantur, ac præscribuntur pro tollendis abusibus circa Ordinum collationem.

S U M M A R I U M.

1. *Onera Missarum Beneficio injuncta in calculandis redditibus non detrahuntur.*
2. *Quæ sint onera detrahenda, offenduntur.*